

ԳԻՏՆԱԿԱՆԻ ԵՎ ՀԵՂԱՓՈԽԱԿԱՆԻ ՄԵԾ ՎԱՍՏԱԿԻ ՆՈՐ ԳՆԱՀԱՏՈՒՄ

(Ա. Կարինյանի ծննդյան 95-ամյակի առթիվ)

ՍՍՀՄ Գերագույն սովետի նախագահության 1981 թ. նոյեմբերի 10-ի հրամանագրով Հայկական ՍՍՀ գիտությունների ակադեմիայի ակադեմիկոս Արտաշես Բալասիի Կարինյանը (Գարրիելյան) պարգևատրվել է Հոկտեմբերյան հեղափոխության շքանշանով: Հայրենիքի այդ բարձր պարգևը ճանաչումն է հեղափոխական, հասարակական-քաղաքական և գիտական այն անդուլ գործունեության, որ ծավալել է 1907 թ. կուսակցության անդամ Ա. Կարինյանը:

Ա. Կարինյանը լենինյան հին գվարդիայի գործիչներից է: Տակավին պատանի հասակից նա զինվորագրվեց բանվոր դասակարգի ազատագրության վեհ գործին, անցավ հեղափոխական գործունեության մեծ ճանապարհ և որպես բոլշևիկ ձևավորվեց դեռևս աշակերտական տարիներին՝ Ստ. Շահումյանի, Ս. Սպանդարյանի, Ա. Զափարիձեի և ականավոր այլ լենինյանների զաղափարական ազդեցությամբ: Ա. Կարինյանն Անդրկովկասի հեղափոխական շարժման շատ գործիչների նման բազմիցս ենթարկվել է ռեպրեսիաների, բանտի ու աքսորի, սակայն այդ ամենը չեն ընկճել անկոտրում լենինյանին և նա միշտ էլ գտնվել է հեղափոխական իրադարձությունների կիզակետում:



1917 թ. Ա. Կարինյանը Պետրոգրադի հեղափոխական մարտիկների առաջին շարքերում էր, մեկը նրանցից, ովքեր բախտ ունեցան Ֆինլանդական կայսրանում լսելու մեծ առաջնորդի պատմական ճառը: Այնուհետև, 1918 թ. նա Բաքվում էր, ուր աշխատում էր Ստ. Շահումյանի անմիջական ղեկավարությամբ՝ վարելով նրա գլխավորած Բաքվի ժողովուստովետի արդարադատության կոմիսարի պատասխանատու պաշտոնը: Միաժամանակ Ա. Կարինյանը խմբագրում էր բանվորների և զինվորների դեպուտատների Բաքվի սովետի «Տեղեկագիրը»:

Հայաստանում սովետական կարգերի հաստատումից հետո կուսակցու-

Քյան որոշմամբ նա գալիս է Հայաստան և ստանձնում հանրապետության արդարադատության ժողկոմի պաշտոնը: Այնուհետև Անդրկովկասում և Հայաստանում նա վարում է մի շարք կուսակցական-սովետական պատասխանատու պաշտոններ:

Ա. Կարինյանը իր հեղափոխական, կուսակցական-պետական գործունեությունը հաջողությամբ զուգակցել է գիտական աշխատանքի հետ: Նա մշտ էլ գտնվել է գրականության կուսակցականության համար պայքարողների առաջին շարքերում: Ա. Կարինյանն իր աշխատություններում բարձրացրել է քաղաքական-գրական կյանքի բազմաթիվ հրատապ հարցեր, որոնք քննել է մարքսիզմ-լենինիզմի դիրքերից, շարունակ հանդես գալով որպես պրոլետարական ինտերնացիոնալիզմի և ժողովուրդների բարեկամության մեծ քառագոյ: Ա. Կարինյանի գրական-գիտական վաստակի անբեկանելի մասն են կազմում նրա «Սոցիալական պայքարի արձագանքները հայ հին դրականության մեջ», «Ռուս գրականության նշանակությունը սովետահայ գրականության համար», «Միքայել Նալբանդյանը և 19-րդ դարի 60-ական թվականների ռուս առաջավոր գործիչները», «Անտոն Զեխով», «Հովհաննես Բումանյան», «Մ. Մամուրյանը մշակույթի պատմության մասին», «Եղիշ Զարենց» և այլ մեծագրություններ ու հոդվածներ: Թվարկված աշխատությունների վերնագրերն իսկ խոսում են ականավոր գիտնականի հետաքրքրությունների ընդգրկուն շառավղի և արդիականության հետ ունեցած սերտ կապի մասին:

Հսկայական է Ա. Կարինյանի վաստակը հայ պարբերական մամուլի պատմության ստեղծման գործում: Այդ բնագավառում նրա կատարած պրպտումների արդյունքն է «Ակնարկներ հայ պարբերական մամուլի պատմության» կապիտալ աշխատությունը, որը արժեքավոր ավանդ է հայ լուսգրության պատմության մարքսիստական լուսաբանման բնագավառում:

Ա. Կարինյանի գիտական վաստակը բարձր է գնահատվել. նա ՀՍՍՀ ԳԱ իսկական անդամ է, տարիներ շարունակ աշխատել է ՀՍՍՀ ԳԱ հասարակական գիտությունների ակադեմիկոս քարտուղարի և փոխուրեղիդենտի պաշտոնակատարի պաշտոնում:

Ա. Կարինյանը բազմիցս ընտրվել է ՀԿԿ Կենտկոմի անդամ, եղել է ՍՍՀՄ Մինիստրների խորհրդին կից գիտության և տեխնիկայի գծով Լենինյան մրցանակների շնորհող կոմիտեի անդամ:

Կուսակցությունը և կառավարությունը միշտ էլ բարձր են գնահատել հեղափոխական ականավոր գործչի և տաղանդալոր գիտնականի ծառայությունները: Նա Սոցիալիստական աշխատանքի հերոս է, պարգևատրվել է Նաև Լենինի, Աշխատանքային կարմիր դրոշի շքանշաններով, մեդալներով և պատվոգրերով: Չնայած պատկառելի հասակին, նա այժմ էլ լի է երիտասարդական ավրուով և իր հսկայական փորձն ու գիտելիքներն ի սպաս է դնում ուղիտահայ գիտության զարգացման, երիտասարդ գիտաշխատողների դասավարակման և կոմունիստական շինարարության վեհ գործին:

Ականավոր Լենինյանին և նշանավոր գիտնական-քաղաքացուն ցանկանում ենք քաջառողջություն և նորանոր ստեղծագործական հաջողություններ ի փառս սովետահայ գիտության հետագա զարգացման:

ՎՐԱՐԵՐ ՀԱՍԱՐԱԿԱԿԱՆ ԳԻՏՈՒԹՅՈՒՆՆԵՐԻՆ
ԱՄՍԱԳՐԻ ԽՄԲԱԳՐՈՒԹՅՈՒՆ